



БҮГІНГІНІҢ БАС ТАҚЫРЫБЫ

ЗОРЛЫҚТЫ АЙТУ – ХАЙП ЕМЕС, АЙТПАУ – АЙЫП



Статистикаға жүгінсек, Қазақстанда 2020 жылы тұрмыстық зорлық-зомбылықтың 120 мың, ал 2021 жылы 125 мыңнан астам жағдайы тіркелген. Өкінішке орай, биыл жәбірленушілердің саны екі есе артқан. Жаңалықтар легінен үйінде өлі табылған әйел мен бала, зорланған жасөспірім қыздар түсер емес.

(Соңы 3-бетте)

МЕРЕЙ

«ЗАҢЫ ҮСТЕМ ЕЛДІҢ – ЗАМАНЫ ТЫНЫШ»

Бұл тарихи күннің кез келген қазақстандық үшін маңызы зор. ҚР Конституциясы күні – әрбір азаматтың көкірегін мақтаныш сезімі көрнейді. Себебі, Конституция – тәуелсіз мемлекеттің тұтастығына кепіл, ұлттық қауіпсіздігіне қорған, әлеуметтік ахуалына қамқор, сонымен қатар, әрбір азаматының жеке бостандығы мен құқығын сыйлайды, сыйлатады, халқын қастерлейді. Мұндай мүмкіндік пен бақ әлемнің бүкіл еліне бірдей бұйырмаған. Елсіз, Жерсіз, Отансыз жүрген жұрт қаншама?! Тарих ақиқаты ащы болса да, әділетті. Түрлі зобалаң мен қилы кезеңдерді басынан кешірген ел өзінің тұтастығы мен бірлігінің арқасында бүгінгідей салтанатты күнге жетті. Қазақстанның Конституциясы уақыт сүзгісінен өтіп, жақсы мен жаманды, қасірет пен қуанышты қатар екшеген құжат.



Марат БІРСЫМБЕТОВ,
Түлкібас аудандық сотының төрағасы

Қарапайым халқын ең қымбат қазына санайтын мемлекет – өркениетті, дамудың даңғыл жолына түскен мемлекет. Қазақстан осындай сындарлы соқпақтардың бәрін абыроймен, асқан жауапкершілікпен өткерді. Бүгінде дамыған, дамушы елдердің алдында беделі зор, тұтастығы берік, бейбітшілік сүйгіш, халықаралық деңгейдегі саликалы бітімгер.

ҚР Конституциясы өз азаматтарының жеке бостандығы мен құқықтарын бекітті. Онда, ең негізгі күш саналатын адамның жеке бостандығы, оның өмірі мен қадір-қасиеті алға шықты. Конституция бойынша әр азаматтың жеке өміріне қол сұғылмайды, тұлға ретіндегі жеке құпиясы мен отбасылық ахуалының жай-күйі жария етілмейді, жеке алым-салымдары мен қаражаттары, жақындарымен немесе өзге жандармен жазысқан хаттары жария болмайды. Оған Конституция кепілдік берген. Қазақстанда кез келген азамат жасына, ұлтына, жынысына қарай алауашылыққа ұшырамайды, дініне, діліне, наным-сеніміне еркіндік берілген, ана тілі мен төл мәдениетіне қорған болып, оның дамуына өзіндік үлесін қоса алады. Біздің Ата Заң демократияның отаны саналатын дамыған батыс елдерінің Конституциялық заңдарынан бастау алған. Солардың озық тәжірибелері Қазақстан халқын бәсекеге қабілетті, зайырлы елдердің алдыңғы қатарына шығарды. Конституциядан бастау алатын елдің өзге заңдарына замана талабына сай өзгертулер мен түзетулер енгізілді. Болашағынан үміт күттіретін ел азаматтарының жеке басын қадірлеп, олардың толыққанды тәуелсіз азамат ретінде өмір сүруіне жағдай жасайды.

(Соңы 6-бетте)

СҮЙНІШ!

БАЙҚАУ! БАЙҚАУ!

«ЗАҢ» Медиа-корпорациясы» ЖШС, республикалық «Заң газеті» басылымының мұрындық болуымен өтетін Кемел Тоқаев атындағы детектив шығармалар байқауы биыл да жалғасын табады. Бесінші рет ұйымдастырылып отырған додаға Қызылорда облысының әкімдігі қолдау көрсетпек. Бұйыртса биылғы жүлдегерлерді қазан айының соңына қарай қасиетті Сыр елінде марапаттаймыз.

БАЙҚАУДЫ ӨТКІЗУДІҢ МАҚСАТЫ:

- детектив жанрының атасы Кемел Тоқаевтан кейін кенжелеп қалған жанрды жандандыру;
- детектив шығармалар жазуға деген көпшіліктің ынтасын ояту;
- шытырман шығармаға қызығушылықты арттыру;
- осы жанрдың көмегімен құқық қорғау, сот, адвокаттық салада еңбек етіп жүрген мамандардың еңбегін дәріптеу.

БАЙҚАУҒА КІМДЕР ҚАТЫСА АЛАДЫ?

Соңғы үш жылда осы байқауға қатысып, бас жүлде мен бірінші орын алған адамдар байқауға қатыстырылмайды. Басқа үміткерлердің бақ сынауына толық мүмкіндігі бар. Үміткерлер шығармасын zangazet@mail.ru эл.поштасына немесе Алматы қаласы, Досмұхамедов көшесі 68Б мекенжайына «Байқауға!» деген белгімен жолдай алады.

Байқауға жіберілген материал көлемі А4 форматында 14-шрифтпен жазылғанда 10 беттен аспауы керек. Шығармалар осы жылғы 30 қыркүйекке дейін қабылданады. Белгіленген мерзімнен кешігіп келген еңбектер байқауға қатыстырылмайды. Материалдар «Заң газетінде» және zanmedia.kz сайтында жарияланып тұрады. Сондай-ақ, детектив жанрының талаптарына сай келмейтін шығармалар қазылар назарына ұсынылмайды.

ЖҮЛДЕ ҚОРЫ ҚАНДАЙ?

Байқаудың бас жүлдесі – біреу, 1-орын – біреу, 2-орын – екеу, 3-орын – үшеу және бес ынталандыру сыйлығы қарастырылып отыр.

Биылғы жылдың бір ерекшелігі – оқырманның дауысына (дауыс онлайн жағдайда беріледі) ең көп ие болған үміткерге бірінші орынға тең дәрежеде жүлде тағайындалады. Сонымен бірге, жазуға қабілеті бар студент жастарды, жоғары сынып оқушыларын ынталандыру мақсатында да арнайы жүлде белгіленіп отыр.

**Ал, құрметті оқырман!
БАЙҚАУҒА ҚАТЫСЫП, БАҚ СЫНАҢЫЗ!
ІСКЕ СӨТ!**



ОРАЙЫ КЕЛГЕН ӘҢГІМЕ

Азаматхан ӘМІРТАЙ, саясаткер: САЯСИ ПАРТИЯЛАР – АЗАМАТТЫҚ ҚОҒАМНЫҢ ЕҢ ҮЛКЕН ҚОЗҒАУШЫ КҮШІ



– Саяси партиялардың белсенділігі сайлау кезінде ғана артып, қалған уақытта бәсеңсіп қалатыны неліктен?

(Соңы 5-бетте)

